



## A pōsame t'a sã n sidge

Yii a Ṭalhat [bn 'Ubayd Allaah nengě (Wěnd yard be a yīnga) a yeelame: Raoa n wa Wěnd Těn-tuuma nengě (Wěnd puusg la A tigr be a yīnga) n yaa Nagid neda, t'a zugã yaa sěn zūndgi, tōnd wumda a koεgã rãamde, la d ka wumda a sěn yetã ye, halı t'a wa tug n pēneg Wěnd Těn-tuuma (Wěnd puusg la A tigr be a yīnga), n mik tı yaa lıslaangã sěn yaa a soab la a soakda, tı Wěnd Těn-tuuma (Wěnd puusg la A tigr be a yīnga) yeel-a: «yaa wakat a nu wīndg la yungo». T'a yeele: zēng sěn ka bāmbã n zao mam zug bu? T'a yeele: «ayo, sã n ka fo na n puusa ne f yam raabo, la Ramadaan kiuug no-loeere» T'a yeele: rě yīnga zao mam zug zēng sěn ka rě bu? T'a yeele: «ayoo, sã n ka f na n loee ne f yamleogo», tı Wěnd Těn-tuuma (Wěnd puusg la A tigr be a yīnga) togs-a Zaka, t'a yeele: la zēng sěn ka Zakã n zao mam zug bu? T'a yeele: «ayoo, sã n ka f na n kōo ne f yamleogo». A yeelame: tı raoa gūd kuidg n teesdē la a yetē: m wēend ne Wēnde, m kōn n paas bumb woto zugu, m kōn n boog me. Tı Wěnd Těn-tuuma (Wěnd puusg la A tigr be a yīnga) yeel-a: «A pōsame t'a sã n sidge».

[Naşun Şahuhun (Gom-sikdem sěn manege)] [B zemsa taab a zugu (A Al-Buḥariy la a Muslim n reeg-a)]

Raoa sěn yi t Nagid n wa Nabiyaamã nengě (Wěnd puusg la A tigr be a yīnga) la a zoobdã rag n zūndgame t'a koεga zēkdē, la d ka fasēmda a sěn yet-a ye, halı t'a wa tug n pēneg Nabiyaamã (Wěnd puusg la A tigr be a yīnga) n sok lıslaangã yeı sěn yaa tılae wã. Tı Nabiyaamã (Wěnd puusg la A tigr be a yīnga) sing-a ne Puusgã, n kō-a kibare, tı Wěnd maaname tı yaa tılae n zao a zugu, wakat a nu raar la yung fãa pugē. T'a yeele: rě yīnga Puus-rãmb n leb n zao mam zug, tı sã n ka bāmbã b nu wã? T'a yeele: ayo, sã n ka fo yam yãkr sěn yaa naafil-rãmb Puusgo. Rě poorē tı Nabiyaamã (Wěnd puusg la A tigr be a yīnga) yeel-a: ad Wěnd sěn maan tı yaa tılae n rog fo zugu, yaa Ramadaan kiuugã no-loeere. Tı raoa yeele: rě yīnga, no-loeer n leb n zao mam zug n zuug Ramadaanã no-loeer bu? T'a yeele: ayo, sã n ka fo wa n maana yam yãkr n na n loe. Rě poorē tı Wěnd Těn-tuuma (Wěnd puusg la A tigr be a yīnga) togs-a Zakã. Tı raoa yeele: rě yīnga sãra-rãmb n leb n zao mam zug, Zakã sěn yaa tılae wã poorē bu? T'a yeele: ayo, sã n ka f maana f yam yãkre. La raoã sěn wum Nabiyaamã nengě (Wěnd puusg la A tigr be a yīnga) faril-kãensã wã, a gūda a kuidg n teese, n wēend ne Wēnde, (A Naam zēk yã), tı yēnda na n tabla a menga ne rēnda, a ka na n paase, a ka na n booge, tı Nabiyaamã (Wěnd puusg la A tigr be a yīnga) yeel woto poorē: rao-kãngã sã n sidge a sěn wēen bumb ning zugã, a na n lagma pōsdbã.

النجاة الخيرية  
ALNAJAT CHARITY

